

Tekste: Psalm 25: 20-21, 1983; Galasiërs 1: 3, 2022; Matteus 26: 26-35, 1983; Matteus 22: 4, 2022; Lukas 14: 17, 2022; Psalm 104: 27, 1983; Psalm 104: 28, 1983.  
Fokus teks: Matteus 26: 36 – 27: 66, 1983.  
Liedere: Gesang 278; Gesang 284: 1-3; Gesang 314; Gesang 278.

---

## AANKONDIGINGS:

Geen

## LIEF & LEED:

Geen

## KLOK:

Kom ons raak intensioneel bewus van die teenwoordigheid van God. God is drie-enig: Vader, Seun en Heilige Gees. Ons blaas al die kerse dood as simbool van hierdie dag vol lyding en dood.

## TOETREDE:

Gesang 278 ~ Hoor ons bid, o Heer

## VOTUM:

Beskerm my en red my, laat my nie beskaamd staan nie, want by U skuil ek. Laat onskuld en opregtheid oor my die wag hou, want op U vertrou ek (Psalm 25: 20-21, 1983).

Tekste: Psalm 25: 20-21, 1983; Galasiërs 1: 3, 2022; Matteus 26: 26-35, 1983; Matteus 22: 4, 2022; Lukas 14: 17, 2022; Psalm 104: 27, 1983; Psalm 104: 28, 1983.  
Fokus teks: Matteus 26: 36 – 27: 66, 1983.  
Liedere: Gesang 278; Gesang 284: 1-3; Gesang 314; Gesang 278.

---

## SEËN:

Genade en vrede word aan ons geskenk deur God ons hemelse Vader, en die Here, Jesus Christus (Galasiërs 1: 3, 2022). Amen.

## SANG:

Laat, Heer, u vrede deur my vloei ... Gesang 284: 1-3.

## Matteus 26: 26-35, 1983

### *Die instelling van die nagmaal*

(Mark. 14:22-26; Luk. 22:15-20; 1 Kor. 11:23-25)

<sup>26</sup>En terwyl hulle eet, het Jesus brood geneem en die seën gevra. Daarna het Hy dit gebreek en vir sy dissipels gegee met die woorde: “Neem, eet; dit is my liggaam.”

<sup>27</sup>Toe neem Hy 'n beker, en nadat Hy die dankgebed uitgespreek het, gee Hy dit vir hulle en sê: “Drink almal daaruit, <sup>28</sup>want dit is my bloed, die bloed waardeur die verbond beseël word en wat vir baie vergiet word tot vergewing van sondes. <sup>29</sup>Ek sê vir julle: Van nou af sal Ek nie weer van hierdie wyn drink nie tot op die dag wanneer Ek saam met julle die nuwe wyn in die koninkryk van my Vader sal drink.”

Tekste: Psalm 25: 20-21, 1983; Galasiërs 1: 3, 2022; Matteus 26: 26-35, 1983; Matteus 22: 4, 2022; Lukas 14: 17, 2022; Psalm 104: 27, 1983; Psalm 104: 28, 1983.  
Fokus teks: Matteus 26: 36 – 27: 66, 1983.  
Liedere: Gesang 278; Gesang 284: 1-3; Gesang 314; Gesang 278.

---

30Nadat hulle die lofsang gesing het, het hulle uitgegaan  
Olyfberg toe.

### UITNODIGING:

Die is Zuurfontein gemeente se voorreg om u as kinders van  
God, mense van die Weg, Jesus volgelinge te nooi na die  
tafel van die Here.

### TAFELFORMULE:

Kom ons word weggevoer na daardie Donderdagaand in die  
bovertrek in Jerusalem toe Jesus die Paasete saam met sy  
dissipels geniet het. Die aand toe Jesus gesê het: ... *my  
dood, maak die nuwe ooreenkoms en testament tussen God  
en julle geldig.*

### REËLINGS:

Ons bedien vandag 'n "loop-nagmaal." Ek nooi blok vir blok  
om die nagmaal te kom ervaar. Die genooide blok stap na  
voor, neem die brood en wyn. Daarna, kan u, uit  
dankbaarheid 'n dankoffer in die kruik vir barmhartigheid  
gooi.

Tekste: Psalm 25: 20-21, 1983; Galasiërs 1: 3, 2022; Matteus 26: 26-35, 1983; Matteus 22: 4, 2022; Lukas 14: 17, 2022; Psalm 104: 27, 1983; Psalm 104: 28, 1983.  
Fokus teks: Matteus 26: 36 – 27: 66, 1983.  
Liedere: Gesang 278; Gesang 284: 1-3; Gesang 314; Gesang 278.

---

Ons begin vandag by die blok aan my regterkant, daarna die galery, en dan die blok aan my linkerkant. Heel laaste die middelste blok. Na elke tafel volg Skriflesing en aan die einde daarvan antwoord ons met die sing van 'n Amen ~ Laat dit so wees!

## STILGEBED & GEREEDMAAK VAN DIE TAFEL

### TAFEL 1:

Gaan sê vir die uitgenooides alles is reg vir die Paasfees om te begin – 'n spesiale ete is voorberei en al die kos staan reg. Kom en kom hou Paasfees! (Matteus 22: 4, 2022).

Wanneer die brood gebreek en uitgedeel word, sê die bedienaar: Die brood wat ons breek, is die gemeenskap met die liggaam van Christus.

En wanneer die beker aangegee word: Die beker wat ons drink, is die gemeenskap met die bloed van Christus.

Eet en drink, doen dit tot sy gedagtenis.

Amen.

Tekste: Psalm 25: 20-21, 1983; Galasiërs 1: 3, 2022; Matteus 26: 26-35, 1983; Matteus 22: 4, 2022; Lukas 14: 17, 2022; Psalm 104: 27, 1983; Psalm 104: 28, 1983.  
Fokus teks: Matteus 26: 36 – 27: 66, 1983.  
Liedere: Gesang 278; Gesang 284: 1-3; Gesang 314; Gesang 278.

---

## MATTEUS 26: 36-56, 1983

### *Jesus in Getsemane*

(Mark. 14:32-42; Luk. 22:39-46; Joh. 18:1-2)

<sup>36</sup>Daarna kom Jesus met sy dissipels by 'n plek met die naam Getsemane, en Hy sê vir hulle: “Sit hier terwyl Ek daar gaan bid.”

<sup>37</sup>Hy het vir Petrus en die twee seuns van Sebedeus saamgeneem. Toe het Hy bedroef en beangs geword <sup>38</sup>en vir hulle gesê: “Ek voel doodsbenuid. Bly hier en waak saam met My.”

<sup>39</sup>Hy het 'n entjie verder gegaan en daar gekniel met die gesig teen die grond en gebid: “My Vader, as dit moontlik is, laat hierdie lydensbeker by My verbygaan. Moet nogtans nie doen soos Ek wil nie, maar soos U wil.”

<sup>40</sup>Daarna kom Hy na die dissipels toe terug en kry hulle aan die slaap. Hy sê toe vir Petrus: “Kon julle nie eens een uur lank saam met My waak nie? <sup>41</sup>Waak en bid, sodat julle nie in versoeking kom nie. Die gees is gewillig, maar die vlees is swak.”

<sup>42</sup>'n Tweede keer het Hy gaan bid en gesê: “My Vader, as hierdie lydensbeker nie by My kan verbygaan sonder dat Ek dit drink nie, laat u wil geskied.”

Tekste: Psalm 25: 20-21, 1983; Galasiërs 1: 3, 2022; Matteus 26: 26-35, 1983; Matteus 22: 4, 2022; Lukas 14: 17, 2022; Psalm 104: 27, 1983; Psalm 104: 28, 1983.  
Fokus teks: Matteus 26: 36 – 27: 66, 1983.  
Liedere: Gesang 278; Gesang 284: 1-3; Gesang 314; Gesang 278.

---

<sup>43</sup>Toe Hy terugkom, kry Hy hulle weer aan die slaap, want van die vaak kon hulle nie hulle oë oophou nie.

<sup>44</sup>Hy het hulle weer alleen laat bly en 'n derde keer gaan bid en dieselfde woorde gesê. <sup>45</sup>Toe kom Hy na die dissipels toe terug en sê vir hulle: “Slaap en rus julle nog? Die uur het gekom. Die Seun van die mens word in die hande van sondaars oorgegee. <sup>46</sup>Staan op, kom ons loop. Kyk, die man wat My verraai, is hier naby.”

### *Jesus word gevange geneem*

(Mark. 14:43-50; Luk. 22:47-53; Joh. 18:3-12)

<sup>47</sup>Op daardie oomblik, terwyl Jesus nog praat, kom Judas, een van die twaalf, daar aan, en saam met hom was 'n groot klomp mense met swaarde en stokke. Hulle is deur die priesterhoofde en die familiehoofde van die volk gestuur.

<sup>48</sup>Die verraaiër het met die manne 'n teken afgespreek. Hy het gesê: “Die een wat ek soen, dit is hy. Gryp hom!” <sup>49</sup>Hy het reguit na Jesus toe gegaan en gesê: “Goeiemôre, Rabbi,” en Hom gesoen.

<sup>50</sup>Maar Jesus sê vir hom: “Vriend, doen wat jy gekom het om te doen!”

Toe kom hulle vorentoe, gryp vir Jesus en neem Hom gevange.

Tekste: Psalm 25: 20-21, 1983; Galasiërs 1: 3, 2022; Matteus 26: 26-35, 1983; Matteus 22: 4, 2022; Lukas 14: 17, 2022; Psalm 104: 27, 1983; Psalm 104: 28, 1983.  
Fokus teks: Matteus 26: 36 – 27: 66, 1983.  
Liedere: Gesang 278; Gesang 284: 1-3; Gesang 314; Gesang 278.

---

<sup>51</sup>Een van dié wat saam met Jesus was, gryp toe sy swaard en trek dit uit. Hy slaan na die slaaf van die hoëpriester en kap sy oor af. <sup>52</sup>Toe sê Jesus vir hom: “Sit jou swaard terug in sy plek, want almal wat na die swaard gryp, sal deur die swaard omkom. <sup>53</sup>Of dink jy Ek kan nie my Vader om hulp vra nie? Hy sal dadelik vir My meer as twaalf legioene engele beskikbaar stel. <sup>54</sup>Maar hoe sal die Skrif dan vervul word wat sê hoe die dinge moet gebeur?”

<sup>55</sup>Dit was toe dat Jesus vir die klomp mense gesê het: “Was dit vir julle nodig om met swaarde en stokke uit te gaan om My te vang asof Ek 'n rower is? Dag vir dag het Ek in die tempel gesit en die mense geleer, en julle het My nie gevange geneem nie. <sup>56</sup>Maar dit alles het gebeur sodat die geskrifte van die profete vervul kan word.”

Toe het al sy dissipels Hom in die steek gelaat en weggehardloop.

## TAFEL 2:

Toe dit tyd word vir die fees om te begin, stuur hy sy werkers om vir die uitgenooides te sê: Kom, die fees is klaar en ons is reg om te begin (Lukas 14:17, 2022).

Tekste: Psalm 25: 20-21, 1983; Galasiërs 1: 3, 2022; Matteus 26: 26-35, 1983; Matteus 22: 4, 2022; Lukas 14: 17, 2022; Psalm 104: 27, 1983; Psalm 104: 28, 1983.  
Fokus teks: Matteus 26: 36 – 27: 66, 1983.  
Liedere: Gesang 278; Gesang 284: 1-3; Gesang 314; Gesang 278.

---

Wanneer die brood gebreek en uitgedeel word, sê die bedienaar: Die brood wat ons breek, is die gemeenskap met die liggaam van Christus.

En wanneer die beker aangegee word: Die beker wat ons drink, is die gemeenskap met die bloed van Christus.

Eet en drink, doen dit tot sy gedagtenis.

Amen.

## MATTEUS 26: 57-67

### *Jesus voor die Joodse Raad*

(Mark. 14:53-65; Luk. 22:54-55,63-71; vgl. Joh. 18:13-14,19-24)

<sup>57</sup>Die mense wat vir Jesus gevange geneem het, het Hom weggelei na Kajafas, die hoëpriester, waar die skrifgeleerdes en die familiehoofde bymekaargekom het. <sup>58</sup>Petrus het op 'n afstand agter Hom aan gegaan tot by die binnehof van die hoëpriester se woning. Hy het ingegaan en daar by die wagte gaan sit om te kyk hoe dit afloop.

<sup>59</sup>Die priesterhoofde en die hele Joodse Raad het vals getuienis teen Jesus probeer kry sodat hulle Hom kon doodmaak. <sup>60</sup>Baie vals getuies het na vore gekom, en tog kon die Raad niks teen Hom vind nie. Eindelik het daar twee

Tekste: Psalm 25: 20-21, 1983; Galasiërs 1: 3, 2022; Matteus 26: 26-35, 1983; Matteus 22: 4, 2022; Lukas 14: 17, 2022; Psalm 104: 27, 1983; Psalm 104: 28, 1983.

Fokus teks: Matteus 26: 36 – 27: 66, 1983.

Liedere: Gesang 278; Gesang 284: 1-3; Gesang 314; Gesang 278.

---

vorentoe gekom <sup>61</sup>en gesê: “Hierdie man het gesê: Ek kan die tempel van God afbreek en in drie dae weer opbou.”

<sup>62</sup>Toe staan die hoëpriester op en sê vir Hom: “Verweer jy jou glad nie? Wat van die getuienis wat hierdie mense teen jou inbring?”

<sup>63</sup>Maar Jesus het niks gesê nie. Die hoëpriester sê toe vir Hom: “Ek stel jou onder 'n eed by die lewende God dat jy vir ons moet sê: Is jy die Christus, die Seun van God?”

<sup>64</sup>Jesus antwoord hom: “Dit is soos u sê. Daarby sê Ek vir julle:

“Van nou af sal julle die Seun van die mens sien waar Hy aan die regterhand sit van Hom wat magtig is, en julle sal Hom sien kom op die wolke van die hemel.”

<sup>65</sup>Toe skeur die hoëpriester uit verontwaardiging sy klere en sê: “Hy het God gelaster. Waarvoor het ons nog getuies nodig? Daar het julle nou net die godslasterlike woorde gehoor. <sup>66</sup>Wat dink julle?”

Hulle het geantwoord: “Hy verdien die dood!”

<sup>67</sup>Toe het hulle in sy gesig gespoeg en Hom met die vuig geslaan. Hulle het Hom geklap <sup>68</sup>en gesê: “Jy is mos 'n profeet, Christus! Sê vir ons, wie het jou geslaan?”

Tekste: Psalm 25: 20-21, 1983; Galasiërs 1: 3, 2022; Matteus 26: 26-35, 1983; Matteus 22: 4, 2022; Lukas 14: 17, 2022; Psalm 104: 27, 1983; Psalm 104: 28, 1983.  
Fokus teks: Matteus 26: 36 – 27: 66, 1983.  
Liedere: Gesang 278; Gesang 284: 1-3; Gesang 314; Gesang 278.

---

## *Petrus verloën Jesus*

(Mark. 14:66-72; Luk. 22:56-62; Joh. 18:15-18,25-27)

<sup>69</sup>Petrus het buite in die binnehof gesit toe 'n diensmeisie na hom toe kom en sê: “Jy was ook saam met Jesus die Galileër.”

<sup>70</sup>Maar hy het dit voor almal ontken: “Ek weet nie waarvan jy praat nie.”

<sup>71</sup>Hy gaan toe na die uitgang van die binnehof. Daar sien 'n ander diensmeisie hom en sê vir dié wat daar staan: “Hierdie man was saam met Jesus van Nasaret.”

<sup>72</sup>Weer het Petrus dit ontken en met 'n eed gesê: “Ek ken die man nie!”

<sup>73</sup>'n Rukkie later kom die manne wat daar staan, na Petrus toe en sê: “Dit is waar, jy is ook een van hulle. 'n Mens kan dit aan jou spraak hoor.”

<sup>74</sup>Toe begin hy vloek, en hy sweer: “Ek ken die man nie!”

<sup>75</sup>En op daardie oomblik het daar 'n haan gekraai. Toe val dit Petrus by wat Jesus gesê het: “Voordat die haan kraai, sal jy My drie maal verloën.” En hy het buitentoe gegaan en bitterlik gehuil.

Tekste: Psalm 25: 20-21, 1983; Galasiërs 1: 3, 2022; Matteus 26: 26-35, 1983; Matteus 22: 4, 2022; Lukas 14: 17, 2022; Psalm 104: 27, 1983; Psalm 104: 28, 1983.  
Fokus teks: Matteus 26: 36 – 27: 66, 1983.  
Liedere: Gesang 278; Gesang 284: 1-3; Gesang 314; Gesang 278.

---

## TAFEL 3:

Kom, gemeente, ons is almal van die Here afhanklik. Hy voed ons op sy tyd (Psalm 104: 27, 1983).

Wanneer die brood gebreek en uitgedeel word, sê die bedienaar: Die brood wat ons breek, is die gemeenskap met die liggaam van Christus.

En wanneer die beker aangegee word: Die beker wat ons drink, is die gemeenskap met die bloed van Christus.

Eet en drink, doen dit tot sy gedagtenis.

Amen.

## MATTEUS 27: 27-44

### *Die soldate bespot Jesus*

(Mark. 15:16-20; Joh. 19:2-3)

<sup>27</sup>Daarna vat die soldate van die goewerneur vir Jesus in die ampswoning in en bring die hele leërafdeling rondom Hom bymekaar. <sup>28</sup>Hulle trek toe sy klere uit en gooi Hom 'n pers mantel om. <sup>29</sup>Hulle vleg 'n doringkroon en sit dit op sy kop en gee Hom 'n stok in sy regterhand. Toe bespot hulle Hom deur voor Hom te buig en te sê: “Ons groet u, Koning van die Jode!” <sup>30</sup>Hulle het op Hom gespoeg en die stok gevat en Hom

Tekste: Psalm 25: 20-21, 1983; Galasiërs 1: 3, 2022; Matteus 26: 26-35, 1983; Matteus 22: 4, 2022; Lukas 14: 17, 2022; Psalm 104: 27, 1983; Psalm 104: 28, 1983.  
Fokus teks: Matteus 26: 36 – 27: 66, 1983.  
Liedere: Gesang 278; Gesang 284: 1-3; Gesang 314; Gesang 278.

---

oor die kop geslaan. <sup>31</sup>Nadat hulle Hom klaar bespot het, het hulle die mantel uitgetrek en weer sy eie klere vir Hom aangetrek. Toe lei hulle Hom weg om Hom te kruisig.

### *Jesus word gekruisig*

(Mark. 15:21-32; Luk. 23:26-43; Joh. 19:17-27)

<sup>32</sup>Toe hulle uitgaan, kry hulle 'n man van Sirene met die naam Simon, en hulle het hom gekommandeer om Jesus se kruis te dra. <sup>33</sup>Hulle kom toe by 'n plek wat Golgota genoem word; dit beteken Kopbeenplek. <sup>34</sup>Daar het hulle Hom 'n mengsel van wyn en gal gegee om te drink, maar toe Hy dit proe, wou Hy dit nie drink nie.

<sup>35</sup>Hulle het Hom gekruisig en sy klere verdeel deur te loot.

<sup>36</sup>Daarna het hulle gaan sit en by Hom wag gehou.

<sup>37</sup>Bokant sy kop het hulle die aanklag teen Hom in skrif aangegee: “Dit is Jesus, die koning van die Jode.” <sup>38</sup>Saam met Hom het hulle ook twee rowers gekruisig, een regs en die ander een links van Hom.

<sup>39</sup>Die mense wat daar verbygeloop het, het Jesus gelaster. Hulle het die kop geskud <sup>40</sup>en gesê: “Jy wat die tempel afbreek en in drie dae opbou! Red jousef as jy die Seun van God is, en kom van die kruis af!”

Tekste: Psalm 25: 20-21, 1983; Galasiërs 1: 3, 2022; Matteus 26: 26-35, 1983; Matteus 22: 4, 2022; Lukas 14: 17, 2022; Psalm 104: 27, 1983; Psalm 104: 28, 1983.  
Fokus teks: Matteus 26: 36 – 27: 66, 1983.  
Liedere: Gesang 278; Gesang 284: 1-3; Gesang 314; Gesang 278.

---

41Net so het die priesterhoofde saam met die skrifgeleerdes en die familiehoofde ook gespot en gesê: 42“Ander het hy gered, maar homself kan hy nie red nie. Hy is mos die koning van Israel! Laat hy nou van die kruis afkom en ons sal in hom glo. 43Hy het op God vertrou; laat God hom nou red as Hy dan behae in hom het. Hy het immers gesê hy is die Seun van God!”

44Op dieselfde manier het die rowers wat saam met Hom gekruisig is, Hom ook beledig.

#### TAFEL 4:

Gemeente, kom dan; want die Here maak sy hand oop en ons kry meer as genoeg (Psalm 104: 28, 1983).

Wanneer die brood gebreek en uitgedeel word, sê die bedienaar: Die brood wat ons breek, is die gemeenskap met die liggaam van Christus.

En wanneer die beker aangegee word: Die beker wat ons drink, is die gemeenskap met die bloed van Christus.

Eet en drink, doen dit tot sy gedagtenis.

Amen.

Tekste: Psalm 25: 20-21, 1983; Galasiërs 1: 3, 2022; Matteus 26: 26-35, 1983; Matteus 22: 4, 2022; Lukas 14: 17, 2022; Psalm 104: 27, 1983; Psalm 104: 28, 1983.  
Fokus teks: Matteus 26: 36 – 27: 66, 1983.  
Liedere: Gesang 278; Gesang 284: 1-3; Gesang 314; Gesang 278.

---

## *Jesus sterwe*

(Mark. 15:33-41; Luk. 23:44-49; Joh. 19:28-30)

45Van twaalfuur af het daar duisternis oor die hele land gekom, en dit het tot drie-uur geduur. 46Teen drie-uur het Jesus hard uitgeroep: “Eli, Eli, lemá sabagtani?” Dit is: My God, my God, waarom het U My verlaat?

47Party van dié wat daar gestaan het, het dit gehoor en gesê: “Hy roep vir Elia.”

48Een van hulle hardloop toe gou, vat 'n spons en maak dit vol suur wyn en hou dit op 'n stok vir Hom om te drink. 49Maar die ander sê: “Wag, laat ons kyk of Elia hom kom red.”

50Jesus het weer hard uitgeroep en die laaste asem uitgeblaas.

51Op daardie oomblik het die voorhangsel van die tempel van bo tot onder middel deur geskeur. Die aarde het geskud, en die rotse het uitmekaar gebars. 52Grafte het oopgegaan, en baie gelowiges wat dood was, is opgewek, 53en hulle het uit hulle grafte uitgegaan. Na Jesus se opstanding het hulle in die heilige stad gekom, waar hulle aan baie mense verskyn het.

54Toe die offisier en die soldate wat saam met hom vir Jesus bewaak het, die aardbewing sien en die dinge wat gebeur,

Tekste: Psalm 25: 20-21, 1983; Galasiërs 1: 3, 2022; Matteus 26: 26-35, 1983; Matteus 22: 4, 2022; Lukas 14: 17, 2022; Psalm 104: 27, 1983; Psalm 104: 28, 1983.  
Fokus teks: Matteus 26: 36 – 27: 66, 1983.  
Liedere: Gesang 278; Gesang 284: 1-3; Gesang 314; Gesang 278.

---

het hulle baie bang geword en gesê: “Hierdie man was werklik die Seun van God.”

<sup>55</sup>Daar was ook baie vroue wat op 'n afstand gestaan en kyk het. Dit is hulle wat vir Jesus van Galilea af gevolg en vir Hom gesorg het. <sup>56</sup>Onder hulle was Maria Magdalena, Maria die moeder van Jakobus en Josef, en die moeder van die seuns van Sebedeus.

### *Jesus word begrawe*

(Mark. 15:42-47; Luk. 23:50-56; Joh. 19:38-42)

<sup>57</sup>Laat die middag het daar 'n ryk man aangekom. Dit was Josef van Arimatea, wat self ook 'n volgeling van Jesus was. <sup>58</sup>Hy het na Pilatus toe gegaan en die liggaam van Jesus gevra, en Pilatus het beveel dat dit vir hom gegee moet word. <sup>59</sup>Josef het die liggaam geneem en dit in skoon linne toegedraai <sup>60</sup>en dit daarna neergelê in sy eie nuwe graf wat hy in die rots uitgekap het. Hy het 'n groot klip voor die ingang van die graf gerol en weggegaan. <sup>61</sup>Maria Magdalena en die ander Maria was ook daar en het reg voor die graf gesit.

### *Die graf word bewaak*

<sup>62</sup>Die volgende dag, die dag na die Vrydag, het die priesterhoofde en die Fariseërs by Pilatus gekom <sup>63</sup>en vir hom gesê: “Meneer, ons onthou dat toe daardie bedrieër nog

Tekste: Psalm 25: 20-21, 1983; Galasiërs 1: 3, 2022; Matteus 26: 26-35, 1983; Matteus 22: 4, 2022; Lukas 14: 17, 2022; Psalm 104: 27, 1983; Psalm 104: 28, 1983.

Fokus teks: Matteus 26: 36 – 27: 66, 1983.

Liedere: Gesang 278; Gesang 284: 1-3; Gesang 314; Gesang 278.

---

geleef het, hy gesê het: ‘Na drie dae sal ek uit die dood opgewek word.’<sup>64</sup> Gee dan bevel dat die graf drie dae veilig bewaak word, sodat sy dissipels hom nie dalk kom steel en vir die mense vertel: ‘Hy is uit die dood opgewek’ nie. Dan sal die tweede bedrog erger wees as die eerste.”

<sup>65</sup>Pilatus antwoord hulle: “Hier is vir julle 'n wag; gaan beveilig die graf so goed as julle kan.”

<sup>66</sup>Hulle het toe gegaan en die graf beveilig deur die klip te verseël en die wag daar te laat bly.